

思伯子堂詩集

思伯子堂詩集卷二十三

建甯張際亮亨甫

葉四季韶索書舊句九月三日微雨晨起偶有詩  
興遂走筆奉柬

乙未

宣州之紙光如玉索書舊句空滿腹卻看煙雨動秋城  
正有鳥聲在鄰竹娟娟芙蓉倚風笑畫裏青山石上屋  
詩思清於水映空浩然遠憶瀛州綠仙人白石煮已爛  
倦客黃梁炊未熟可知同受天公戲不如飲酒更食肉  
君家兄弟本多才有園讀書卽清福我雖足跡半九州  
苦思高臥一龕足行當結茅匡廬峰或則求田陽羨曲

東坡太白願難償仰視浮雲笑相逐

九月十夜晴溪三丈招集水榭餞余以扇索書卽

席贈別

紀羣交誼足平生爲我開樽待月明  
秋入琵琶如解語燈依簾幕亦多情  
英雄自昔耽歌舞婦孺何煩話姓名  
此去金臺思駿骨舊時屠狗儻相迎

九烈何當與染衣玉河舊樹半成圍  
卽教走馬長安疾轉憶烹鱸此樂稀  
半世豪狂如夢覺萬山風雨送秋歸  
須知痛飲傾觴地回首閒花也自飛

陳南香

軒霞

秀才以扇索書舊作因走筆贈之

而翁往日通蘭譜

尊甫與余嘗會課鰲峯書院旋舉乙酉鄉榜而余以是科拔貢故事皆稱

同年有子森如出桂林老馬生駒先識路神蛟得水必為

霖詩文灑落雲煙散

往余在鰲峯會課詩文皆不起草為戲娛而已尊甫所知也故舊句

多不能舉誦

姓字流傳歲月深

往歲甲申乙酉閒在鰲峯書院妄竊時名故多相識者及

甲午乙未再來會城故人多得意去矣然其子弟生從多能道余姓字兩歲入闈號舍或相遇多與為禮余甚慙焉君亦今年期汝承明同著作因風常見此時心

將歸矣

何秀才薌雪

兆英

亦以扇索書舊句復走筆為贈

才子騷壇少替人風流曹謝著書湮新詩要與追前輩

肯向時賢逐後塵

詩境人閒何處無空明過眼不堪摹能知萬古成連意  
山可崩摧海可枯

十九夜同孝知翁二時疇集水榭走筆爲時疇書  
扇

英雄未遇類好色前謝安石後信國拔劒出門何所之  
惟歌姬院可乞食邇來南北旱潦徧青衫淚溼安可得  
仰天笑看大星飛哀絃欲斷冰輪仄

蕭蕭涼風響修竹中有玉顏擁明燭十千買醉亦何辭  
百萬構蒲猶未足懽場過眼類掣電人事關心且仰屋  
青山宛轉蹙長眉似惜別離今已促

乙未秋九月將去福州友人多有以箋素索書舊

作者無以應也口號成述舊絕句三十首別同志

廿載南天一客星少年看到二毛驚欲歸轉算重來日

可有前驅負弩迎余以嘉慶甲戌籍學丙子來應鄉舉今二十年矣

水閣涼風六月多千家簾捲送橫波不堪回首思殘局

已似樵夫久爛柯丙子夏五月至會城居姊婿鄒太學寓地近湖邊灣裏余時多病畏熱姊

婿乃日與余過水榭請姬家對奕余不解奕諸姬乃強

抱持之觀局常踟促不安今姊婿沒久矣而諸姬家亦

盡爲灰燼可懷也郎官巷古半鄉人天后祠前記比鄰往日兒童頭角異

可知吾亦太倉陳郎官巷余邑人多居於此天后祠邑人所建也丙子七月移入城寓于祠

前黃氏宅主人行四有二子才數歲甚慧余每日夕持百數十錢令其背書今其二子年皆餘二十應試有聲矣。官如秋水淡人是太倉陳桂香巖侍郎句也

足健身輕愛看山石天中更水巖閒劇憐游興年來減

兩歲雲峯一往還

丙子歲初來會城凡可游之山游之皆徧游鼓山詩已見前刻稿內矣而

烏石山石天鄰霄臺則閒日必往去年再來會城欲游鼓山登鄰霄臺皆不果今年八月始一游鼓山重九一

登鄰霄

臺耳

七度山靈識面曾存亡聚散感枯僧心知一滴靈源水

也抵滄桑萬變乘

余七游鼓山舊時同游者不勝聚散存沒之感

紅蕉白藕鑑亭前舊事閒思每惘然樸學孫盧總黃土

故應跌宕是頑仙

戊寅余以督學使者送歲試一等來鰲峯讀書數月居于假山亭子癸未

以撫部舉品學兼優再至書院居於監院署後廳時掌  
教爲陳恭甫師課士甚嚴而獎勵甚至以故人才輩出  
當時爲師賞識者多得科第去矣而孫君經世經學深  
通虛君玉章詩才清絕二君皆樸質有古風獨前卒可  
也感

張緒風流那足思共憐顛顚異當時傷心更有歌姬院

乞食相逢淚對垂比年來會城人皆訝其顛顚因爲述

人也去冬過蕪湖太平楊雪樵觀察沈鼎甫夫子門下  
亦與余僕輩言之如此秋來偶過水榭諸姬初不相識  
既而訝其是余乃爲兒女行述余前事甚悉且云君  
風塵勞苦閱世艱難宜其顛顚也爲之悵惘累日

坐俯三山秋月明淨光塔上醉吟聲尋常穎士家奴語

負汝當年勤學情戊寅夏秋之閒每月夜攜酒登烏石  
山浮圖絕頂吟嘯僕王魯嘗曰今年

鄉試人人皆作時文主人惟玩月出游賦詩飲酒  
何也余時甚怒其言及今乃思之而此僕沒久矣

思伯子堂詩集卷二十三



晝辦官書夜出游十人足了復何求子京紅燭誰曾見

枉議南豐有劣優庚寅夏秋之間余在志局以幽憂憤悶無可告語故多出爲臺江之游然

所纂采書錄數倍於同事諸君有信父乃諸諸大吏余微有所聞乃辭去去後而取人轉惜之結語用呂相對

問曾子固語

生死升沈過眼空一杯且自傲秋風信知北客多豪氣

猶惜張郎是酒雄往余在志局同事多忌之及去年再來死者已矣而生者皆不通音問惟

瑞逆石司馬兩歲於貢院見之猶殷然致意此可感也

醉裏園林畫裏人六年彈指亦前塵離心最悵洪江水

送我西行已二巡庚寅去福州李蘭屏比部蘭卿觀察連日招飲石畫樓且繪石畫留人圖

贈別會城諸友亦多送至洪山橋而劉西堂明府林价岩孝廉葉旬卿上舍亦繪洪橋送別圖爲贈去年揭曉

後歸里三君子偕葉仲勤秀才何杰夫同年  
復送至洪山橋平生離別之感于斯最甚

竹林門巷記荒涼二老臨歧看束裝夢裏秋江片明月

至今流照水天長

壬午之秋余寓竹林境家繁露進士  
上官寅齋孝廉得舉於揭曉日同來

爲余治裝是日黃二未涯送之出臺江同飲于某姬家  
次日偕上洪山橋復飲別于某姬家青衫之源痕猶在

而二姬從  
良久矣

何曾兩廡愛孤豚漸覺中年百感存只合落花風裏坐

看人兒女自銷魂

兩歲來會城遂絕  
水閣燕游之樂

潮落潮生舊院荒明燈擁髻足思量天風吹斷橫簫曲

長板橋頭總夕陽

戊寅端午二客招游臺江時水盛漲  
至某姬家跌足始得入門余時不解

轉游急呼酒而已其夜二客皆有所主獨一姬爲我宛  
轉清歌欲言而屢止余知其意伴醉臥達曉後見二客

必詢余而余不再見此姬矣。癸未甲申乙酉端午前  
一二日鄉人之治鹽筴者于萬壽橋前飾龍舟挾諸姬  
爲水嬉皆招余預焉十  
年以來無復此樂矣

解將罵座笑狂奴世上何當少灌夫從此三山吾跡遠

堂堂旗鼓送青無往歲甲午己丑間有外來幕游宦游

來會城偶遇之酒座皆以氣折之其  
人遂歛口縮頭先後去述此爲一笑

十二樓前月已昏攜持酒甕過軍門何郎年並周郎少

醉倒牀頭尙一尊甲申夏夜偕何杰夫周同序及諸友

杰夫共挈殘酒一甕行歌過撫部署前至鼉峯書院二  
君醉臥余榻上已而復飲今杰夫官平和同序官日照

思此樂渺  
不可得矣

輿臺婦孺半知名風雨徒傳落筆驚誤我廿年緣底事

文章興好宦情輕

余自為諸生應學使者歲科試皆日未中即投卷癸未甲申乙酉閒在鼇

峯書院及沈鼎甫學使署月課亦然至于歌樓酒肆信手塗抹殆多能言之前揭曉及簪挂之日書院院役及學使者差役見余皆來前且語其儕輩云是困抑久矣余心傷其言故附及之

曹劉沈謝亦相忘白眼何曾是醒狂始歎蔣曹真絕世

負他牛馬笑陳郎

曹文正公同時天下任府道以上官皆能背誦其履歷如流水蔣礪堂相

國生平見人無貴賤一面即不忘余生平他事多能記憶昔人謂強記由于精神足往在京師陳君伯游戲余云龍馬精神余未之見若牛馬精神則君是矣言余能耐勞苦煩劇也則余精神似非不足者其獨拙于記人耶何

樊籠

一出復迴翔少日身如野鶴忙十載苦飢更垂翅

脫鞵忘縱暮天長

丙子至乙酉數入場屋每出貢院歸寓少飲雖遠必復至貢院前觀他人

之後出者習以爲樂自戊子以後乃厭倦不復如此矣  
籠中鳥乍放之不遽飛也必迴翔審睇其旁屢驗之  
而然故戲以爲喻

新豐嘗徧酒人家朝出歸來詠日斜每歎伯倫真俗物  
醉何必死鍾隨車戊寅夏日在會城有同學欲試余酒  
量清晨要出門遇酒肆則強之飲一  
升幾百數十間而余未醉也始罷歸余  
復獨酌賦詩爲樂今亦不復能如此矣

山中玉雨化爲塵紙上淋漓墨尙新傳語惠連應護惜

當時吟苦幾傷神

何乾生孝廉卒于京師其遺稿手爲  
封置其篋中歸其家人兩年以來同

其弟廣茂秀才欲爲刪定竟不報也玉雨山房乾  
生別業昔嘗招余及友朋宴會今亦屬他人矣

李相祠堂見落成七年再過廢池平劫灰何必昆明底

殘照西湖已眼明

己丑冬林少穆中丞于西湖建李忠  
定公祠落成之日曾賦詩紀事庚寅

四月廿四日嘗招友朋燕集于此其後六月閒葉明經  
紹書七月閒何秀才廣熹先後招游甚樂今年再至西  
湖則祠因被水圯矣湖上  
風景全非舊觀可慨也

哀師生小是嬌兒又見傳經坐絳帷我似東坡到清潁

尊前賓客感當時

何玉田先生青芝文名藉盛一時戊寅來會城嘗贊時文於先生未幾先

生歿卒時先生子震亭才數歲耳去年  
始見則已籍學文亦有聲且授生徒矣

鑾到輕紅酒正酣坐看江海化煙嵐自從一醉傷存沒

善義殘僧有故庵

乙酉夏與阮石梅蔡薰士楊梅生陳香谷盧居蒲黃樂臺諸同年屢集飲

興蘇於烏石山積翠寺其年石梅卒又數年而薰士亦  
卒己丑冬與居蒲一見去年與梅生僅一再見今年與

魯谷樂臺僅一見而已後  
見又未知相見何地也

百萬錢供一擲粗英雄意氣動呼盧不因他日桓元在

誰語劉郎擔石無

余往歲在會城頗揮霍自喜外人皆以爲家貲數十萬而不知固無負郭

也田

容我豪狂惜我才師門回首有餘哀東坡死去文章盡  
洛蜀紛紛黨毀來

故家門巷昔森嚴此日新看樓閣耽富貴百年同一夢  
不須馬策慟羊曇

生相握手死相傾何似儀秦習縱橫肯向雪峯深處臥  
千年枯木共忘情

集號江東不諱偷姓名猶自足千秋平生不解斯人意  
拚讓坡仙出一頭

談諧玩世趙藤庵爲我今年惜再三自是千秋半知己  
後時張李要深談趙君藤庵磊落不羈人也雅善相士與余交游數年相喻在意言之表今年揭曉後友朋皆喜君獨不樂謂所親曰亨甫不中當嘗來福州從此以後福州少亨甫蹤跡矣余心感其言因憶往時嘗戲問君云吾何如李文饒張江陵藤庵以杜牧之相許且述於友朋有告余者余曰此吾生知己也故臨行復綴之于此

何小汀同年招同令弟文舫明府林紹甫孝廉謝  
樵雲上舍小集

鈿哥去後玉哥行此地無人喚小名旅鬢亦驚霜共落  
酒懷惟愛月新生深知萬事關風會不覺三更響葉聲  
秋盡蕭蕭聽不得醉歸惆悵故山情



梁二平仲丁辰招同西堂旬卿梅伯集飲黃樓

青衫醉徧泊南秋臨去杯觴到處留七子風流數曹植  
一樓名跡擬徐州閒園自愛寒花好深巷誰知返照幽  
富貴苦遲名早誤疎狂又結少年游

初五日謁恭甫師墓慨然有作

羣鹿山頭正夕陽可憐宿草已驚霜韓歐自識坡仙早  
牛李何猜杜牧狂勳位百年論命定師精于星命家言嘗為余推測並自  
為推測者以關河萬里去鄉長墓門痛哭情誰訴千載  
告余多不爽心期未敢忘

是日西堂八兄招集梅伯梅友井文仲勤旬卿杰

夫餞余飲甚樂梅伯謂不可無詩慨然有作

師友平生意氣真舉觴談笑復沾巾世皆欲殺身無恙  
詩不能窮句有神風露盡爲秋借色江山長夢酒爲鄰  
三公一瞬分明事何苦孫劉逐後塵

初六日梅友西堂井文杰夫仲勤宗敘小汀同集  
烏石山積翠寺卽席賦別

如此江山醉更豪青天可問首誰搔卽看風色橫空滿  
始信詩人得地高萬葉煙帆向滄海千家夕照小秋毫  
後時南北如相憶莫便潘郎感鬢毛

次日井文再招西堂杰夫梅友仲勤旬卿陳孝廉

善餞別有作

陳君質樸古人風  
謂減當時意氣雄  
倦客自知如寶劍  
寒鏃誰許挂高空  
蕭蕭鼓角三更裏  
磊磊乾坤一醉中  
回首六年疑昨日  
更移書卷入孤蓬

初八日招同西堂梅友杰夫旬卿小集天開圖書樓

四友高才各一時  
野人意氣亦雄奇  
卽論萬古名何好  
且盡千杯醉莫辭  
客裏園林原有主  
畫中歲月了無詩  
松疏石瘦清尊外  
共愛雲峰送黛眉

樓爲旬卿家別業  
六月來會城旬卿

以館余嘗索詩而余  
久無一字故戲之

劉聞石十二兄與其兄西堂同舉進士將令關中

賦此贈別

十月初八  
五鼓作

十年南北別迢迢那更西行路轉遙才比二蘇得高第  
圖看三輔憶前朝蓮花嶽色通函谷楊柳秋風在灞橋  
自古河關形勝地後時騎馬好招邀

是夜再同梅友井文杰夫葉孝廉

語年  
張同年  
鴻

圖集飲旬卿宅並柬其弟季韶卓人

石林池館最清華向晚燒燈照落霞萬里勞人將北去  
半空皓月亦西斜誰傳罵坐眠無礙自惜離觴興有涯  
扶醉出門君莫問古來身世一恆沙

吳太孺人一燈夜課圖

林君卿雲封翁之副室而余友香溪之母也封翁卒

後家人欲使香溪廢讀業賈孺人爭之不得至自投于井拯之始生

蕭蕭絡緯聲耿耿長夜情問兒何所志兒莫負所生兒  
莫負所生讀書有令名兒不負所生淚暗眼亦明蕭蕭  
絡緯聲耿耿長夜情兒行井闌畔兒應痛母誠蕭蕭絡  
緯聲耿耿長夜情兒今一燈來不見阿母迎嗟天之高  
兮翳地有不平兒母亦坎壈兒敢負所生風吹井闌上  
上有梧桐驚誰謂無母兒忍聽秋風鳴

初十日旬卿招同梅友西堂杰夫仲勤蕙卿同集

餞余有作

故人如月在雲端宛轉千回不厭看行樂俱非年少盛  
放懷惟覺醉時寬蕭蕭風過當杯酒莽莽天催去馬鞭  
何處蘄門山萬仞夢懸甌海氣蒼寒

乙未十月十日旬卿席上奉別西堂八兄卽送之  
官粵東

十年屢別君此別更何語君爲人中龍變化作霖雨我  
如壑底蛟飢潛始歌舞平生慷慨意風雲一仰俯送君  
吾亦行後會知何許仲卿置樽酒招邀盡故侶酒酣笑  
仰天合離那足數男兒弧矢志有澤在朝野但使民物  
康何妨闕塞阻北踏太行雪思君昨騎馬南聽扶胥潮

憶我昔鳴櫓海山浩空闊登眺各延伫要爲不朽身到  
處卽吾土高風動澤國羣雁亦爲旅飄飄挂孤帆落落  
見千古願君盡此杯後夜隔煙渚

是日席閒梅友出三山醉者歌索和再走筆贈之  
三山萬古青如此幾人能醉吾與爾恨爾身不畫淩煙  
笑爾志欲垂青史一杯談笑傲王侯何代勳名不泥滓  
醉來咄咄臥且起眼中滄海不爲水何況青峭之數峰  
此中焉能著吾子吾聞魏阮籍晉陶潛是皆有託而沈  
酣千載得子人其三遠不必安平之島近不必方廣之  
岩醉來見山如可談山乎山乎嗟汝應何堪浮雲東南

來鴻鵠西北去富貴從來自有時英雄不遇知何意爾  
其鏐五嶽驚入荒上逐造化而徜徉秋風吹我征帆遠  
明日何人共爾狂

蕙卿於是日酒後招同杰夫仲勤出城集飲水榭  
是夜同諸君留宿口號戲柬

臨去遲遲戀綺筵一聲淚落四絃先了知萬劫成沙候  
不記三生對月緣醉後避風交影語夜中聞水隔窗眠  
司空刺史何分別木石吳兒也惘然

爲鄢甥題歸去來辭圖小照

亦有溪山興會無水竹居遠懷陶處士夢繞樹扶疏黔



楚倦爲客江湖幾載書風塵正回首那不受吾廬

題觀海圖

千里長江九曲河不如滄海不揚波信知此外難爲水  
東望成塵底事多

三點神山萬古青海天積氣浩冥冥誰能卸帆扶胥口  
沈醉秋風浴日亭

徐福何緣向大荒蓬萊萬古隔蒼茫神仙丹鼎銷沈盡  
莫問龍宮未見方

滾滾潮頭似雪山扶桑曉色碧雲閒何當徑跨神鼉往  
絕勝琴高赤鯉還

十一日再同梅友井文旬卿杰夫集西堂宅醉後  
有作

西堂愛我如兄弟坐有良朋語更深豈爲狂名慙謗口  
不將大節負初心天寒水落龍蛇蟄風勁秋高駿馬吟  
萬里長途關塞在卽論朽骨亦千金

是日再同井文西堂杰夫旬卿集梅友齋中卽別  
梅友

老去英雄倦據鞍病來思婦獨憑欄因君帳觸人間恨  
送我佯狂酒後歡名世風雲同慷慨夕陽天地又清寒  
驚禽一點樊籠外那得高枝爾早安

留別旬卿

交君已十年年來情更厚每思程普言斯人果醕酒前  
時游處迹歷歷吾詩有後會難豫期臨去暫握手君才  
擅三絕豈長困隴畝况爲名家孫英華陋壤牖蛟龍得  
雨氣傾刻變鰲螭我慙十試勞一得亦其偶天閑萬駿  
馬駑駘或在後長鳴卽奮迅高駕恐顛踣感君肝膽誠  
勸獎兼掖誘昨來六月徂館我至今久籌畫到飲食贈  
遺及箕帚招邀文字交析疑互繩糾君疾我失懽我狂  
君不咎夜中每叩門督廚累賢婦常歎會合稀果看別  
離又建谿阻南閩薊門倚北斗歲寒浩風雪獨去更回

首料應圖畫閒寂寞園丁守故人各雲散過從祇梅九  
屐幽踐餘苦憶我行蹤否中年懷抱惡萬事變良友匪  
不愛功名長凜迫衰朽相期保金石立身貴毋苟長嘯  
望高天挂帆出桐口

十二日杰夫六兄同年招同林槐卿四丈兄弟梅  
友蕙卿集外洲陳雪姬家餞余次日復偕梅友蕙  
卿送至洪山橋別去余是日過水口次夜野泊作  
詩奉寄

十年四海稱狂客青眼高歌鬢未白故人鄭重視分離  
痛飲淡旬有餘情扁舟欲去更維棹水榭花疎午煙碧

雪兒爲我弄絃歌鶯燕驕春語歷歷歌終又唱秋江別  
兩意含愁復誰識夜闌六客欲歸遲擁髻剪燈同歎息  
眞如傷別杜司勳揚州過盡青樓迹玉顏再見是何時  
金屋千閒勞永憶傷心酒半間曉發惟有青衫知淚滴  
朝來三子促我行頃刻已恨山橋隔山橋回首望水榭  
黯黯風潮斷行色嗟余飄泊不如潮來往門前幾朝夕  
沙頭揮手卽萬里水口懷人祇亂石石頑那解客心孤  
日暮天寒葉空赤方知獨宿竟經宵轉愴無由問眠食  
佳人良友各迢遙野火荒村對淒寂翩翩洲渚雙飛翼  
人生似汝安可得蕭蕭灘瀨萬波聲我今聽此將何適

月圓照人人不圓三處誰先涕沾臆便思看徧長安花  
走馬搖船醉君側

泊蚬蛇灘

十里灘聲壯千山霧靄沈月懷當夜遠水意使人深倚  
岸憐苗槁支蓬悵石陰蕭疏更飛雨誰與共爲霖

延平別黃清美孝廉

家在玉華北移舟劒浦東仙山一片月待我笑天風夫  
子髮俱素超游那得同江城對揮手笑指碧流空

上黯淡灘

颯颯生風雨谿山亂葉飛灘高挂危壁浪急倒征衣涉

險託孤嘯臨深知萬機輕舟先眾舸回望好同歸

過南雅口

昔行建州道兩度宿茲村山色含煙火溪聲當廟門流  
光若朝暮殘照又雞豚廿載成陳迹况思千古存

許秋史德遠陳玉鬯劉少友陳芸史楊芸生各奉  
其師家心齋蔣拙齋同余集飲黃華山同集者余  
同里鄢君訓行也喜斯州之多才惜余之行蹤無  
定未知再見何時作詩別心齋拙齋並贈諸子

建州自昔文獻鄉胡劉朱蔡高頡頏當時師友共標映  
磊砢若城勢維茲岡岡頭悵望六百載眼中二友同清狂

蔣侯才多意深湛澄淆未足窮汪汪吾宗壁立有萬仞  
要與規矩爲圓方俱能抗懷希往哲更益教術備來良  
天風吹我向虹板偶留一日傾千觴萬家積秀返照動  
七絃幽響松聲涼興酣俯仰忽歎息人生萬事何可常  
憶昨銜杯對鼇頂戊寅秋與拙齋心齋訂交福州鼇峯書院馳騫身世輕八  
荒氣高那肯爲物下才疏未解觀人詳相逢年少卽傾  
倒歧路往矣悲亡羊州城亦嘗一再至謝屐總爲游山  
忙諸君爾時正襟抱豈知此日如我長廿年自笑行未  
歇但覺鬢短髭鬚長何曾老馬慣識道前車覆敗情所  
傷古人不朽自有在餘事乃復工詞章諸君早慧及弱



冠幸設禮義爲閑防論才何必不韓杜問交乍可參師  
商二友聞此各大笑兩家子弟渾一堂轉思昔曾見此

樂官高豁達無門牆青山白雲樓上月抱琴酌我彈瀟

湘上官寅齋孝廉高四農舍人莫逆友也二君弟子亦

相親善皆能學其師撫琴余昔至光澤主雨農青山白雲樓游其師弟間相得

甚懽今無復此樂數年矣登臨到處得朋好歲月回首

成杳茫嗟余再至定何日廣文遠惜羈南漳

同年甌甯鄭二修樓方官斯人健筆建旗鼓能作虎士騰龍驤騷壇牛耳儻

有屬我亦殘卒走且僵請終此言亦戲耳道在不以文

低昂松溪之水合南浦迴繞山麓奔瀛滄學如東海納

百谷誰侈河伯徒望洋且憑醉語話今古後來此會應

毋忘

訓行索題小照因贈

我游三過建州城兩度逢君倒屣迎  
大隱韓康仍賣藥深知越絕好論兵  
人間何事非陳迹物外相忘豈近名  
枕石漱流應有待白頭合共故山行

野泊

沙岸流波細風灘遠浪聞三更孤枕靜  
百聽一時分月氣寒成露溪光夜悟雲  
不眠閒索句因見地天文

過建陽弔江秀才

負汝平生意傷余倦旅情寒山徧衰草  
流水自孤城間

業忘年位懷芳膽姓名空過賣卜處弔古涕交橫君年倍於

余往歲常屬寄詩都下乞余閱定又乞為作題詞余偶及吾鄉何廣文賣卜橋詩事君乃求廣文甚力今君卒

二年矣與余終未一見也

謁考亭書院

喬木蒼然在高山自古寒地如通德里世有奉祠官墟

墓前朝廢唐黃御史葬親於此始名考亭滄洲一釣安當年十賢盡誰

識考槃歎

武夷宮望大王幔亭諸峯

肅肅靈宮古蕭蕭老樹存誰知五嶽外自擁數峯尊人

采煙霞氣仙為水石魂穹巖遺蛻在聊與不曾孫

九曲

五嶽最雄尊無舟入山駛五湖亦秀映無石出天起融  
結三大觀化工一何偉固應古仙人遊戲日來此懸岩  
挂艇楫荒洞餘粟米靈異亦偶然誰能測其理我來惜  
已遲橋存船已毀獨愛千重崖合抱九折水路窮絕壁  
對灘轉迴波美灣灣曲抱峯積氣浩蒼紫可憐丁蔡後  
茶芽冠南紀至今擅種植負販無停趾剪樹薤莓苔剝  
膚竭脂髓幽深嶄峭區徧納傭保鄙盜賊互窟宅焚掠  
不畏死人閒大可哀何不憫孫子常將幔亭雲童童聚  
百里豈知武夷君豁達聊自喜名山供玩嘯無用亦可

恥乃現白毫光

茶有名白毫者

偏照西南海

山中茶西洋人尤嗜之

功參

飲食大利與稼穡比請看人春來采摘日千指頻年苦  
游饑孤寒免流徙董詰有司存應念刑禁弛頽陽墮孤  
棹殘霞蕩魚尾漫語質山靈幽笑應冷齒

醉題一覽亭

火維產萬石石石各俊偉不解媧皇初如何棄置此有  
材失補天磊落聊自喜君看一覽亭奇興有千里眼中  
已無山曲外非無水山水意空靈元氣浩不死夕陽照  
松色沙禽隔溪起潏潏暮灘聲終古何時止逝者信自  
然未來更誰俟揮觴俯萬態乾坤渺塵滓頗恨李杜蘇

足跡限南紀茲峰實奧曠孰識登眺理蕭條胡麻澗老  
竹或生子黃葉落澗中響在白雲裏接筍埭隱屏泝流  
難仰視豈知正俯伏短不及闌几少年矯位置覺衰慕  
卑邇滔滔眾人之心寥寥高深旨朔風吹長煙飄飄向滄  
海欲問武夷君虹橋亦已矣

### 宿天游道院

我舟泝曲流茲峰渺雲際安知千仞顛數折轉幽邃陰  
泉奏虛籟空岩養寒氣風高夜多聲天暝石增勢中宵  
大星出倒挂落平地蕭森萬象動空闊百靈至煙中如  
有人木葉颯已墜道士勸客寢孤夢抱蒼翠浩浩太古

初誰先此酣睡朝來笑出山正恐已十世

由天游經鐵郎寨涉悟源澗至馬頭岩小飲磊石  
庵復由天心峰經火燄峰至水簾洞還宿馬頭作  
秀色蒨晨光蒼翠動萬石一徑轉羣峯千尋拆危壁淒  
淒陰澗迴宵宵秋煙積沿源不覺遠極幽忽如夕穹岩  
過天風蕭條響松樞方知有僧寮翳然雲氣白啜茗對  
梅花披榛討泉脈奧險恣冥搜竟日窮游歷道士昔坐  
化崖下蛻遺跡瀑懸絕飛流晴晝涼雨滴丹砂難可就  
青嶂宛未隔興闌隨所歸境過有餘惜獨宿對孤燈夜  
蟲語千百山虛空籟多殘月墮寒碧

虎嘯巖

一巖高倚天其上拆爲二驟疑哮虎蹲猛作吞空勢懸  
泉內有澗削壁外無地盤根百年樹裂罅舞寒翠落葉  
晝蕭蕭響雜溪聲至曠收遠峰秀深沒荒榛翳道童若  
瘦猿跳躍崖厂際爲言盜賊多茅屋苦難閉寂坐啜杯  
茗仰恐礙日墜片雲頭上黑黯慘晝雨意又如赤城霞  
建標爛晴霽武夷固石族青蒼非一氣巉峭最茲邱險  
摩巨靈臂割半欲翻飛窪中孕幽邃因嗟左右竹叢生  
復何寄固知造化奇變幻孰能計何當踏絕頂怪獸可  
俯轡出門徑螺旋回望但驚喟



御茶園

野人共說御茶園年代誰能辨宋元我醉茅簷一杯酒  
千秋游客亦曾孫

次日游歷復述所見二首

澗古消寒綠松疏斷遠青當頭惟怪石過眼戀孤亭

謂

覽天巧餘深厚山奇必蘊停君看九曲岸寸寸盡幽靈  
深入天心北羣峰勢稍夷能移一石走猶壓萬山奇豪  
傑閒同眾文章妙可思煙雲了無著多事費尋詩

行崇安建陽山中至邵武書所見

羣盜嗟誰問蒼生敢自鳴山深如虎穴村僻少雞聲野

徑盤溪亂風林響葉驚紛紛疑俠客白晝帶刀行

宿梅里

故園猶未見喜見郡城山殘照梅花上行人風色閒銜  
杯聽溪水隱几過煙鵬今夜吾廬夢歸雲好共還

至邵武主家繁露教授家因寄家素先先生王三

莘夫

歲晚重來已十年高樓獨上思依然身經憂患增詩力  
游徧江山悟道緣北馬南船仍別路丹臺白渚又風天  
蕭蕭吹滿霜城葉坐憶林居似聽泉

西園花事竟難尋况入楊源深更深

莘夫時居楊源

白髮著書

看落日素衣臥病對孤琴  
新寒倍覺離憂長遠望空知  
過雁沈賴有金尊相慰藉  
不教獨倚四愁吟

陸萊臧司馬屬題來夢亭感舊圖

萊臧先生與寶山沈孝廉夢塘

同年至契先生率閩時招其入幕仿董文敏來仲樓遺意葺亭族之既而同人繪話雨圖賦詩紀事忽忽開九年矣今冬李榕園廉訪介先生致書延夢塘至署將有編輯之役夢塘乃於臘月朔日謝世感念夙昔爰出素練令寫是輓以志哀慘圖就附題五言一律自愧不工藉以補空隙云爾癸巳小除夕前一日琴東蔣寶齡并識

封禪遺書手校工那堪車騎憶臨邛  
長卿詣我今何似

殘照孤亭已夢中

時先生爲刪訂夢塘遺集

畫簾清晝對修書  
痛飲常傾酒百壺  
忍向清風堂外過

人開處處有黃壚

志局在福州魁轉里劉氏祠故鄭氏之清風堂也庚寅春與之交鹽局爲

先生而纂修則高兩農家怡亭及夢塘余亦暫留數月頗相得去年余至局中訪兩農不勝聚散存沒之感夢塘有東粵修書圖屬題而未及作也故并及之

詩畫樓前五馬來

時先生權邵武郡篆

座閒愴少客星才曲流亦

似西陵水何止山陽笛可哀

怡亭與余同邑同族而相距百餘里甲戌寓郡城李

忠定公祠五曲水前始相識及今再至不勝人琴之感

樊孟才華自一時尹蘇毀譽付羣兒使君自抱昌黎感

我愧廬陵志墓辭

過黃家淙見梅花有作

屬光澤

清谿曲抱村原路肩輿曉行破山霧一雙凍雀噪新晴

眼明恰見花無數高枝老幹半照水嫩蘂新苞亦凝露  
畫意原存瘦醜閒詩情忽動橫斜處眞思缺月挂昏黃  
不見微雲共皓素居人曉夢正未覺籬落聞香吾獨去  
竟教冷豔委荒煙靜女含愁態誰訴世閒萬事了可識  
貴賤何曾關好惡朔方騎馬望黃塵那得幽芳通一顧  
貴家移種自江南千金不惜物非故斷橋野屋性自得  
穠李夭桃春不妬固知清絕耐冰霜自是東風澹無語  
濁醪到手且斟酌疎影迎眸若恩遽方當譚笑度桑乾  
與爾相忘隨所遇

煥奎太守新納姬人出見乞詩走筆爲賦此

常與西陵游子看

十二月日自家赴都口號

歲晚北風勁關河到處寒荒村正朝日滿目憶長安母  
老憐爲客時艱覲得官平生慕忠孝出處信皆難

至南豐喜晤趙厚坤

秉惠

劉彝生吳子誠

嘉忠

三

君子置酒餞余賦詩爲別

厚坤一歲別彝生三載久子誠今始見靜攀眞吾友門  
前軍峰色煙翠動南斗英才對磊砢如山壓培塿開軒  
面羣峭興發不因酒醉談天下事心傷爲隴畝今年旱  
復蝗禾稼竟何有吾儕得飽食高會亦其偶茫茫思大

化依依對殘柳春來絮自飛何處迎馬首飄零我獨去  
燕市侶屠狗邑西四十里夏四月葬母方悲韓信窮萬  
家難置守側承君子意欲戒樵蘇走斯義高雲天感涕  
還握手烏沈兔已出上弦正初九荒寒野色來風狂作  
虎吼因思去日速疾若霞過牖去年春夏間常同菊人  
仁叔桐勛菊農兄弟集  
飲于此今諸君  
皆不在里門千齡萬代閒聚散知誰某自應遣離懷  
身世等敝帚獨於君親意鬱結互纏糾庶幾令德崇立  
名貴母苟

十三夜宿金谿郭外二十里有作

月白屋瓦破燦如星滿天夢回憶良友

是夜夢建州家  
敦復蔣荃臣及

陳許劉荒雞叫牀前夜氣若有動寸心何邈然了悟太  
楊諸子始初靜爲萬化先寒風透敗壁過鼻聞炊煙廚人話歲  
荒側聽忍復眠吾生失學道濟世師誰賢慨想象山翁  
安得棲園田

十五夜宿弋陽篠簞嶺述感

飛蝗五十縣亢旱一千里可憐頻歲災凶年復至此道  
旁流離人半是良家子骨肉賣爲奴百錢聊救死單輪  
挽老弱朝親夕路鬼白骨棄不收覓食更流徙朔風中  
野至雪霰橫空起凍餓互哀呼面目無人理我行忍屢  
見飽食情所恥未知彼蒼心冥冥竟何以夜留茲嶺宿



太息撫牀几主人話盜多飢寒問誰使固應社稷臣  
卹民憂喜更闌雞亂噪村犬吠未已村墟號乞兒紛紜  
早如蟻安能監上東灑涕圖瑣尾

### 感石

信州如楚南少人而多石下鑿爲陂池上累成垣壁高  
檐一照眼重疊丹霞色往往敗僧居刀錐競朝夕偶茲  
暮留憩牀几愛滑澤長風扇天濤寒月照村白夜闌不  
能寐感物三歎息人間至美材非地良可惜以此貞固  
性受彼斧斤賊豈無過者嗟移山竟何力想見古英雄  
不過因賤役吾無萬閒厦庇士今安得

玉山道上暮雪

風急鴉飛噪蕭蕭雪滿天空寒高不動積氣瀨相連客  
臥嗟無地民飢祝有年朝來知麥潤應自徧磽田

二十一夜自常山放舟下衢州

天寒夜氣空江靜偶聞風雪滿水雲外鳥鳴山月中一  
燈卽詩境千里始征逢

自里門至常山皆取道陸行

回首荒城夕迢

迢霧靄窮

二十六日富陽舟中作

積雪皓千峯高寒氣滿空去舟銜夕照飛雁下江風歲  
饑民何困身卑道豈窮心知殘臘盡行路正恩恩

除夕杭州舟中作

三年度歲孤舟易千里思親一醉難家國未忘仍作客  
雪風無際浩生寒西湖春水朝來長北極朝廷夜獨看  
長願吾

皇永敷福更依慈母日承懽

懷人詩

余今年在福州家心齋楊翠岩謝樵雲林瘦雲  
翁蕙卿陳玉鬯許德遠諸君皆出其詩稿相示  
而鄭修樓許秋史二君則自漳州建州寄其稿  
來當時欲各爲題詞竟不果除夕臨安舟中彙

錄余詩因憶諸君子乃各爲一絕句奉寄末一首則自嘲也

木落山空氣盡秋七絃誰抱寫泉流蒼寒石壁風雲絕  
太古無人悟獨游家心齋

玉溪婉摯詞仍豔山谷清雄語愛奇不是秦川貴公子  
無人解鬪鄴中詩楊翠岩同年

年來苦愛杜蘇詩眞賞千秋幸汝知大海重山足雄闊  
歲寒浩想獨吟時鄒修模同年  
時官平和

豪情壯采氣空羣海上眞能張一軍長爲穎濱憶坡老  
澹於天際太湖雲謝懋雲秀才君兄碩甫  
亦能詩今年常同倡酬

輕財好客貧難繼講武從戎壯可豪莫負人間老周處

詩名萬古一秋毫

林大瘦雲君爲廈門周觀察弟子觀察以君世將家子將爲謀入戎行君

意未決故詩意速之

百代風騷有正聲萬人毀譽總堪輕別來誰與論詩事

惆悵江寒暮雪情

翁二惠卿

神寒骨重氣飛騰此是詩禪最上乘參卻黃梅仍自渡

故應北秀讓南能

陳玉鬯秀才陳爲心齋弟子

銀雲瘦壓梨花影好句何曾讓八叉十載傷春兼惜別

不堪吟處是天涯

許秋史秀才

黃河之水落星源萬里應看到海奔老我年來歎才盡

枯查閒憶對天孫

許德遠秀才

酒脯年年自祭詩  
模山範水竟何爲  
君看紅燭青樽外  
正有人閒萬口飢

思伯子堂詩集卷二十四

建甯張際亮亭甫

自杭州至蘇州舟中口號

丙申

雪滿梅花水映空，遠山垂雨又濛濛。  
春寒吹徧江南岸，誰倚鉞箏訴曉風。

煙際啼鴉一點青，板橋斷岸更長亭。  
分明便有離人意，楊柳依依微曉零。

艇子迢迢剪水來，碧雲西北有樓臺。  
暮天江上寒如許，莫遣桃花造次開。

若溪春碧接松陵，聽雨重湖夜有燈。  
鷗鷺未醒人已覺，

病寒中酒夢觚棱

一聲橫笛雨瀟瀟  
春到金閨第幾橋  
休唱二孃前度曲  
青襟無恙酒痕消

惠山秦氏園

落日天微風畫船漾煙翠  
山光解迎客百變雲霞觀荒  
園秀難名水石盡幽異空明  
非一態倒影曲池際蕭條  
蘿磴迴清潺苔澗闕春禽沒  
碧陰夕蟲語蒼翳樹深如  
有人徑轉窈無地不知孤亭  
高平對千里勢悠哉見城  
郭曠野月初至江寒靄已上  
浩想去帆意固應並倪園  
兩朝駐遊騎年往草木長時  
艱父老涕林壁足興衰何



須閱人世聊尋第二泉回榜逐流吹

過常州不及訪李月汀太守作此寄之

故人始拜蘭陵守倦客仍懷桂樹幽作郡已遲甘拙宦  
登朝難卜且孤游江山春到花明眼旱潦年深盜戒舟  
幸與閭閻諮利病不勞京洛憶沈浮

由丹徒開口沂江望金焦二山

少年偶抱澄清志萬里常爲汗漫游風雪登臨陳迹盡  
江山談笑霸圖留天低夕照銜孤艇雲黯叢蘆見戍樓  
何事才人憑弔劇寺僧頭白狎沙鷗

至鎮江作

茫茫落日大江流十八年來九繫舟歲月千春看過鳥  
風雲六代贍間鷗殘僧不解留山帶故老能言伐荻洲  
畢竟英雄勝名士高歌痛飲倚吳鉤

平山堂走筆題壁

醉翁一醉斯堂古賢守今誰作賦才千里淮流當檻出  
六朝山色過江來風前孤艇維殘柳雪後荒園見落梅  
曾是

翠華游燕地春光無那鎖樓臺

揚州明月好七首

道光丙申正月石甫三丈權揚州鹽運使余至揚州入謁則以

公事往江甯矣小佳署中惟其從姪一人元夕酒罷殊覺寂寥乃賦此詩蓋邇年離政疲做官商大

非昔比故詩終於  
七取來復之義也

揚州明月好今夕淨纖雲  
官有韓忠獻狂無杜司勳  
徘徊清漢望寥落  
碧簫聞廿四橋何在煙波黯舊瀆

揚州明月好嶺上照梅花  
千樹誰招鶴東風日噪鴉  
紅顏偶垂佩白足但煎茶  
此際尤蕭瑟吾空憶

翠華

揚州明月好行樂慨盧曾  
賓客才能賦江山興可乘  
流觴千日酒歌管萬家燈  
過眼繁華盡宵清似老僧

揚州明月好才憶海愚雄  
師自耽禪說文誰並惜翁  
大江浮夜水三客嘯天風  
卅載眞成世今來舊廨空

揚州明月好誰解到平山如此青天迴懷人永夜閒醉  
翁老清潁玉局落諸蠻我有漁洋句無聊笑自刪

揚州明月好螢苑更雷塘水調何人怨春愁自古長煙  
花非風昔燐火照興亡正有鈎斜上銀蟾澹不光

揚州明月好無那轉淒清萬事浮雲變孤愁畫角生人  
閒負佳節天上寄閒情欲聽霓裳譜誰同玉宇行

吳梅村畫

自識畫作於  
崇禎辛未

碧樹蒼山未解愁薊門閒寫楚江秋十年忽付紅羊劫  
那得銅仙不淚流

過邵伯驛

纔見居民出水中廢垣殘壁岸西東蛟龍晝蟄煙檣穩  
鴻雁春歸野草空生聚自來關國計隄防應與奠天功  
蕭蕭去帆頻回首謝傅祠堂落日風

晚泊露筋祠登三十六湖樓

樓爲吾鄉李  
蘭卿觀察建

繫纜何曾見白蓮殘碑燭照夜堂偏新添臺觀文游外  
遠見湖光璧社前牛女星低風動野淮揚民困水吞天  
十年來往登臨倦長願安流奏管絃

觀察兩禱於神有  
駿故有迎神送神

曲以  
相示

寶應至淮安舟中作

隋家天子昔南游始鑿山陽放綵舟楊柳至今搖夕照

李花何處結春愁興亡屢閱滄桑變河漕終煩幕府籌  
稍喜村農蘇菜色漲痕閒數舊沙頭

路入淮南氣候殊新春放眼一花無  
焚隄塵細人驅馬  
草屋風多夜見烏  
瑟瑟樹依平野盡  
茫茫天壓片帆孤  
八公仙去難招隱  
合向荒臺問釣徒

韓信當年亦苦貧少年相辱太無因  
萬家早自營先冢  
一飯如何賴婦人  
故里風雲猶鬱勃  
盛時歲月久勞辛  
敝裘短櫂荒江側  
乞食朝天萬感新

名賢千里接封疆自愧人言比鄭莊

時少穆中丞權制府在江甯芝相先

生權吳撫鄒李月行太守守常州蘭卿觀  
聚在京口名甫司馬權監運使在揚州

空闊黃河前

路近飛騰白日寸心長知途瘦馬隨年老畏彈驚禽擇  
木詳回首暮雲天正遠曠懷今古獨蒼涼

宿遷道上大風

匹野黃沙漲號空白日昏勢驅萬馬立聲絕一鴉喧倚  
劒看征路吹笳想塞垣飄蕭餘短髮搔首向中原

經下邳圯上

秦政昔虎視暴虐誰敢撓豈知亡國後乃有報主誠一  
擊偶不中已動四海兵至今博浪沙殺氣何縱橫想當  
遜跡日慷慨如平生何來父老憇轉視英雄輕進履喚  
孺子授書光炎精我疑太史氏好奇語過情及觀定儲

策亦以四皓成陰求韋布隱怒使王侯驚感激奮節義  
退讓全勲名吁嗟天下才遠過何與平獨悲淮陰智竟  
痛走狗烹當年市上辱忍隱同艱貞黃石既不遇赤松  
難偕行徒輸躡足閒默決楚漢爭從來功罪際失計非  
人傾一作得失無由名所以李鄴侯謝病思茅衡千秋謀勇士  
請看此水清水清有波瀾世變那得平

### 夜發汶上

入夕頻無寐真如打坐僧城沈烏尾月星亂馬頭燈夜  
靜風沙嘯村寒露柝戢十年荒堠卒奔走笑吾曾丁亥  
月自都門南歸曉夜并行時戒盜驛卒遞相謾送至今亦爾也



東平州

萬柳黃沙路孤城白日春極天還見樹照地總成塵羸  
馬寒嘶侶飢鷹側掠人似聞羣盜在難遣一花新

高唐州道中作

二月春深麥未青村農望雨徧郊垌驚沙盡日空隨馬  
枯草粘天不化螢三輔盜多輕漢法十州箴在憶元亭  
奔馳何與蒼生事野店東風自醉醒

次韻翠岩德州道上見示之作卽以奉贈

何事征車逐後塵舊途重感鬢毛新燕齊鬱鬱天如霧  
江海茫茫歲屢春

辛卯與翠岩別於都下余次年歸聞  
君亦隨宦江甯至去秋始再相見也

一世不無屠博隱四方大有溺飢人願君繼世爲霖雨  
餉酒猶能醉我貧

河閒道上大風

午風自何來吹塵驟飄灑須臾戰九河沙石走四野乾  
坤入蒼茫慘澹出人馬勢挾百靈豪聲驅萬籟啞想見  
笳鼓高秋生塞雲下方憶江海聽此或終夜常恐波  
濤翻身爲魚鼈化驚雷暴雨夕命與鬼神借世路那能  
平陸行復悲咤蕭騷偶一息反勢作弩射極憐箕伯勞  
難遣封姨嫁義輪力馳騁重圍走隙罅稍映沈寥閒榆  
柳掩茅舍入門撲泥塗老翁呪空罵

二十里舖

棲鴉點樹如著墨落日蕭蕭見風色荒寒土屋幾人家  
一片驚沙行不得入門騾馬各悲叫臥地仰天疑歎息  
正如豪士困塵埃奔走誰能惜筋力老去途存萬里長  
病來骨可千金直西鄰美人貌傾國夜擁銀箏淚霑臆  
十年待字苦無期牆外烏啼月華蝕

固安

西來一片太行色東逝千年無定河落日羣羊野蒼莽  
短衣匹馬劒嵯峨誰能割月補春豔我欲呼風揚酒波  
燕市無人惜屠狗醉時共撫瓦盆歌

十二日闡中作

一日猶堪了萬言矮簷無事望高天人才未必關科第  
世運方當啟聖賢千幕暗明同入夢九州聚散亦如煙  
誰知教養

朝廷澤忠愛原存未仕先

丙申四月四日葉筠潭

紹本

黃樹齋二鴻臚徐廉

峰黃渠卿

珠

二太史汪孟慈陳頌南

慶鏞

二農部

招同四十二人展襖江亭孟慈出所藏定武蘭亭

裝演成卷將送之棗花寺中溫翰初

肇江

農部繪

江亭展襖圖於其次各有詩及文余得二十八字

西來一片太行青  
合與騷人共醉醒  
欲倚殘僧護文字  
昭陵何處況蘭亭

書陳同年式銘扇

又是看花走馬時  
幾人得失未能知  
野夫坐愛庭前樹  
萬歲青蒼無改移

四月初九日書翠岩扇子

是日揭曉

我今不第欲南歸  
君儻能歸共酒卮  
萬里大江片明月  
故應流照兩人詩

是日又題四農岱峰晴雪圖

萬古岱宗雪長迷  
秦漢壇何人話封禪  
悵望岸儒冠皓

白到天盡空青橫海寒心閒卽靈境了了徹悲懽

又贈別羽可

與爾頻爲別無如此別難到家儻相見垂老倦求官白  
日一回首青山千去鞍生當各健飯浩想結交懽

爲蔡光祿

蕙清

題竹屋對牀圖

夜窗嶺月擁書時忍憶翻成死別悲須信蘇家老兄弟  
白頭何處對牀期

爲廉峰太史題問詩圖

鬱鬱平生志滔滔萬古心誰能問滄海一與寫孤琴夫  
子抱高節清時託倦吟秋風茅屋在相待聽商音

朝鮮安尙書宋學士偕從官南君柳君來訪留飲

一日口號贈別

安名邦直宋名應龍南名華中

一片海東月還從天外來平生故人意

謂芝叟

相見重徘徊

迴年長猶求仕詩狂欲退才千秋總陳迹何事足興哀

樹齋以箋索贈言走筆爲題二十字

結交半天下知我幾人深願汝如明月光輝照古今

### 四別詩

丙申歲出都不能已於懷作四別詩以志慨

吾師昆明秀氣高才縱橫雖爲侍從貴蕭然若無營平生能得士弟子多英聲以此足報

國何必奇勲名昨聞我欲歸呼去語依依言將遂挂冠  
還著萊子衣望我幸持節相見庶有期聞之心惻愴數  
日有餘悲閩南與滇南相隔萬里餘兩地無過雁何以  
通尺書余當奮德業師應慎起居雲煙在高空離合固  
須臾我出盧溝橋師猶在

皇都我行到鄉邑師方勞馳驅

國門缺餞送念此重欷歔仕宦既不達禮義難自將萬  
事亦屢然閔默惟內傷東海大鵬飛不如百鳥翔鳳凰  
不我顧浩浩夫風長

別師

吾友散天下京



朝餘幾人數年幸一見苦語不及陳慷慨論時事忠孝懷

君親高歌相激發文采非常倫置酒面西山悵望古戰塵落月聞馬嘶醉歸不整巾可憐西北風吹我雙車輪冉冉出河朔稅駕知何津得失不足道會合良可珍心知豈久別再見非茲辰古來苦志士四海如一身行當各游宦歲月勉自新每念潘四與郭羽可窮老氣益振白髮歎黃香艾鐵堂致吳子序許林印同賤貧後先去飄瞥我獨胡

逡巡萬柳

國門枝青滿燕塞春一爲墮落絮東西太無因別友

朝鮮二使臣其一尙書安其一學士朱南柳皆從官云  
昔見我詩萬里勞相思扣門喜識面值我將歸時停驂  
爲置酒雜坐半良友燕市久無人此客勝屠狗醉來亦  
和歌肝膽同嵯峨高望太行色雲氣如秋河茫茫幽營  
野塞風斷人馬借問唐虞日誰築長城者可憐此爲別  
再見知何年苦思昔日懽謂往歲金白李諸使者卽是他生緣君  
行向三韓我行返百越夢裏異關山秋天共明月南君  
尤惻惻臨去毋太息到海可知江見山應悟石宛轉一  
寸心流將照古今不逢絕域使誰與共霑襟別使  
人生不得意骨肉成道塗况乃道塗子安能供走趨一

僕輕而慙一僕詐而愚自我始報罷各自懷私圖十喚

不一諾快快難遣驅其一託微疾不能隨舟車朝出孝

廉門暮侍貲郎居其一告遽負不敢還里閭云將跟卽

用本科進士授縣令者曰卽用而我安用諸平生性嚴急好察惡浮

虛汝去或我過何止慙金夫願汝各富厚裘馬輝路隅

毋爲比匪人冬夏無袴襦豈無一日義已去重欷歔宛

轉新僕來効役錯汝呼此事亦已慣今茲感有餘嗟我

潘四農有僕忠不渝主人如我困此僕常相俱豪飲侍

徹夜晨興理案書見我如見主進退謹且舒眼前一老

蔡六十白鬚鬚昔事高與官待我何勤劬新城蔡姓爲兩農寅齋二

思伯子堂詩集

卷二十四

十一

子蓉湖比部在都下得失若在身籌度偏所需旁觀皆  
太息太息非常奴倉卒謀出都事事代畫區未能從我  
去長語時囁嚅勸我慎飲酒語罷涕如珠嗚呼此四僕  
賢否終何如 別僕

羅浮五色蝶

粵東買人來鄭州以贈天津  
買人余往觀焉始出繭也

東風萬古仙人夢吹作春駒復誰控一時照眼爛雲霞  
卻驚寸繭非如甕故窠隱隱花可抱新翅閃閃錦初擁  
欲飛無力況何往對坐有情還自動可憐煙舵塵馬閒  
乃使文章出雛鳳葛家老婦太狡獪大似麻姑愛劇弄  
七十二沽春不歸四百卅峰月孤送因之憶踏朱明洞

啞虎無聲石乳陳仙壇繡澁銅魚龍玉奴長生亦天縱

東阿渡口

乍覺南歸已是真青山迎我碧流濱一時回望幽州道  
落日茫茫卷去塵

自韓莊開登舟由中河至王家營

征車向淮甸積潦湮長途輕舟易短駕回眺微山湖湖  
氣蕩白日蒼然憶

皇都千帆泝汶濟輓漕從此趨十丈隘壑舟容粟乃其  
餘紛紜走百貨云以資丁徒可憐黃頭郎終日酣歌呼  
片言不稱意殺人投菰蘆漕師駭莫問父老竊歎吁況

聞始南發索錢如索逋縣令困無策材官恣挪掄  
朝廷自寬大汝輩毋乃愚一朝近畿地水利修河渠司  
農勸稼穡足可廢轉輸不然覓估舶代運困亦蘇此輩  
置不用暴橫將何如茫茫楊柳綠依依見鷺鳬黃頭挾  
飛彈對坐調笑俱我行獨太息五日至河壩徒殷身世  
憂況悵流年徂敬告謀國人立法慎汝初

過淮陰寄懷四農丁儉卿魯蘭岑三孝廉

草草長安醉遲遲遠道歸河淮縱孤艇風雨變斜暉  
慷慨貧賤交游有是非釣臺思痛哭誰共溼征衣

瓜洲渡江

時李蘭卿都轉  
新卒於揚州

橫風吹瓜洲落日閃江水豈知中流霽煙波淨如洗金  
焦兩翠鬟相望明鏡裏仙人倏不歸娉婷復誰俟山川  
空賢豪父老失依倚哀歌且獨去感愴到鄉里況數平  
生歡海內今餘幾萬事信轉燭俯仰判悲喜悠悠沙鳥  
情滔滔身世理一吟思舊賦愁心滿楊子

訪玉松丈不遇次日以詩來走筆次韻奉答

千里渡江歸潞公勞夢想方當走結襪敢怨困草莽扣  
門詢老僕云久謝來往遂造西鄰談返駕猶悵快侵晨  
惠新句接人用樵爨顧我愧勞薪行疲塵十丈薄物等  
對非庶以助頤養還瞻老人星煙霞福長享

玉松丈復次前詩韻招飲觀戲劇仍走筆次韻報之

丈人若明月清輝滿懷想百篇何灑落浩氣自蒼莽我  
慕梅市尉去此欲安往水閣動炎風客懷變淒快昨宵  
渡山塘涼煙送孤槳昨龔木民大令招泛虎邱醉來不知曙日高已  
三丈願觀偃師戲何侈木雞養一笑愧鷄鵠乃受鐘鼓  
享

林暘谷封翁飼鶴圖少穆中丞屬題

手種梅花滿故山蕭然對影掩柴關卽今華表秋風裏  
千歲胎禽亦不還



雛鳳清聲欲滿天  
江淮雛犬已皆仙  
家家飽卻芝田粒  
始信當時翼子賢

爲潘補之

希甫

同年題小窗梧竹圖

叢竹聚煙態碧梧宜水清  
人閒好明月無客聽秋聲  
老鳳亦何往素琴相與橫  
虛窗湛夜氣如見古時情

六月十日泛虎邱作

米價今年賤家家醉飽宜  
山塘半歌舫海湧百花枝  
發興逐年少當杯行酒遲  
平生憂樂意聊與杜蘇期

是日登懷

杜開仰

蘇樓

落日水先碧移舟風更清  
美人共明月照影各輕盈  
賭

酒判衣溼張燈見鬢橫生公何處所誰與說忘情

十五日由理安至靈隱登韜光遂過淨慈泛月而歸率然有作

昨夜夢吟湖上月一片清輝滿甌越朝來卻訪湖中山  
白波青嶂非人閒迴溪曲澗激鳴玉水氣化煙上修竹  
長松夾谷亂吟風飛鳥避人沒寒綠一亭萬木中下有  
樵牧蹤上視無所見天半聞清鐘論詩讀畫坐高閣俯  
視林壑青空濛此時意到飛來峰行盡南屏翠幾重冷  
泉亭韜光寺樹色脩脩秀滿天湖光漠漠空浮地返照  
吳山十萬家半倚西湖遊晴翠邈然忽愴宋南渡那知

五國冰霜暮斷鴉今日識興亡一點啼過岳王墓我亦  
拂衣且歸去古來英雄多不遇君不見謫仙豈是澹蕩  
人晚歲來往姑溪濱自知舉世無所向但言願結青山  
鄰同谷浣花總乞食誰將稷契許汝身海上笠屐歎春  
夢劒南鞍馬嗟風塵扁舟快意落吾手五嶽於人亦何  
有淨慈枕山更面湖湖氣晚來擁杯酒興酣笑問六橋  
柳錦衣鐵券今在否此時大月照荷花山色如眉出若  
耶綠水時明雙白鷺素衣皎映千紅霞男兒不能千軍  
萬馬蕩沙磧便可一壺兩槳隨天涯若有人兮蒼龍車  
洞天日暮凋瑤華欲往從之道阻遐夢中起踏湖雲斜

舟中偶作

吳越經行慣溪山嘯咏遲放歸長夏日閒過富春時功  
豈雲臺薄才應汐社悲逝波有人代出處欲何期

苦熱渾無夢沈酣那有懽火雲晴一氣灘石勢多端久  
謝巖樓靜翻思雪渡寒逆風牽百丈太息此行難

嫋嫋暮江空歌聲落水中星燈同照夜絲竹盡生風獨  
飲思親故哀吟忘達窮得歸歸亦好何處不飄蓬

曉發蘭溪驛三衢路正遙千篙摩急瀨萬嶂學驚潮望  
日心先畏聞風響已飄鴉蟬禁午噪嗟汝祝融驕

七月一日至貴溪繞道往南昌作

千里還鄉近胡爲更遠行  
秋風來一夕落日去孤城  
骨肉仍離別山川宛送迎  
空聞高士榻投謁愧平生

鄧家埠

重向清溪照鬢絲不堪風際立多時  
夕陽一點閒鷗過落盡汀花水不知

東鄉旅宿

曠野萬松明蕭蕭落日聲天低秋有色  
鄉遠月無情霧露清愁夜藤蘿翠  
蔓城因嗟吳刺史蘭岩壑負歸耕

宿進賢田家

西風來幾日四野百蟲鳴坐對千峯月  
秋兼萬樹聲

泉當戶汲竈火近墻明農事嗟何迫宵深荷鍤行

七夕家子畏太守招同石瑤辰家南山兩司馬蔣

玉峰刺史集飲娛園

石名家紹  
蔣名啟敷

佳辰良讌會茲園萃羣英登樓俯江郭遠見西山青章  
貢何滔滔坐惜去日情安能似賢守板輿時將迎歲荒  
民屢戢官勤政已清賓僚盛文采觴詠酬雙星秋風從  
西來起視河漢橫夜闌戀明發何處重飛觥

南山司馬屬題黃梅拯溺圖卽送其歸粵東

百粵老詞伯幾年眞宰官繪圖同鄭俠謝郡過南安飢  
溺思猶切災傷宦總難西樵著書暇忍憶舊波瀾

初九日許滇生宮詹招同南山司馬集飲學使院  
酒閒有知己之言歸而慨然作詩

余少頗慷慨酒後好論兵二十不稱意一櫓飄然行東  
南山水區泉石厭迴紫夜登松寥閣醉聽江海聲六朝  
無英雄過盡浮雲輕歸家更七載虎門踏長鯨其年貢  
太學單騎游上京五陵半豪貫貧賤將安營詞章本小  
技謬來當時名失權曾布徒謗議騰公卿嘗走黃金臺  
慟哭萬馬驚寶劒朔雪裂短衣邊風鳴賣文召屠狗雜  
坐琵琶箏米聚戲關山牛飲倒甕罌百斛盡一笑仰見  
天河橫皓月爲我不放他家明秋色暗幽州燐火燒

長城慘澹戰鬼骨高下迷棘荆悲來忽不樂出入屢過  
征忽忽閱三十仕宦猶無成自從臥翠微方寸消崢嶸  
靜觀萬化變遠驗百代情志慮覲澹定耳目思樸誠古  
來天下士利物固以貞出有諸葛君處有申屠生永懷  
黃與郭脫落鈎黨爭報罷返故鄉今我何辱榮獨爲飢  
寒困枵腹勉強撐撐進退難豫知義命天所令哲人秉神  
鑑覲面肝膽傾入幕無雜賓燕譚神爲清甚愧譽經濟  
安能信和平宮亭雁落雪際天廬阜晴大波照雲霞涼  
風吹旆旌思偕青玉峽一濯塵土纓且問游山守

南康有廬秀錄

何如持此觥

南山權守



滕王閣下渡章江口號

此水來章貢奔流向海東我行竟何泊短鬢對長風地  
主情原篤天涯數每窮沙頭羨孤鷺閒戲曉霞紅

高安

天際開平野城中帶大溪水光田舍活稻色縣門低郡

小兵堪據

城內有溪有長橋可作望樓於其區民淳禮可  
上有田可耕圃可種乃足守之區

齊清時有良弼顧我愧蒸黎

新淦

城外殘陽映碧流極天雲鳥自悠悠數家風色連迴浦  
百里山光隱去舟傭保梁鴻難自託病貧司馬欲何求

市樓一醉傷懷抱還對煙波憶舊游

癸巳甲午游粵往來皆舟過此

峽江

北風吹斷上流船一葉淩江剪水便山氣空清明驛路

沙洲皓白散人煙真疑蜀道窺夔府偶憶英州繞粵川

令尹誰傳清嘯日凋零父老已多年

湖南張度西先生今代詩人之雄僧

宰是邑

七月十五夜宿吉水道中

百蟲鳴一夕大月皓中天鬼氣吹燐火

吾鄉謂此夕為鬼節各焚紙錢

於門此鄉亦然

秋聲落夜泉歲饑愁久旱客倦警孤眠身世茫

茫事無端到枕邊

遣興

勞勞吉州道遣興復尋山野色夕陽外人聲秋水閒征  
禽猶未息倦犢已知還富貴誠何事荒祠徧草菅此地為明  
胡廣故里

永豐喜晤劉瞻岩殿撰同年有贈

一第足娛親千秋好致身文忠名冠代徐郭老為鄰謂  
松羽可今古爭高躅雲霄看絕塵他時霖雨澤還憶及茲  
辰自六月不雨  
辰是日始微雨

宿樂安

山色滿城郭人煙如有無倦游隨處好獨影醉時俱豚

伴燈昏宿鴉知月出呼古來天下士誰厭客中孤

崇仁山中喜雨

赤日燒高空千里變焦土江西十郡邑兩月旱太苦  
賽禱救晚禾父老泣何補豈期造物仁能作頃刻雨  
殷殷雷聲奮騰騰雪勢罕倒挾天河翻急送海濤舞  
一瞬盈溝渠茸茸澤稔黍我時辟田家炎威憶亭午  
極知亢陽驕必召積陰侮萬事有消息即目了可覩  
且慶蘇災黎漫愴滯行旅燈昏遂入夕炊煙溼不吐  
瓜棚多秋風葉下百蟲語夜中月偶出飛電過簷宇  
蒼茫亂山深歸夢迷處所

宜黃

列堞銜山石何人審勢疏

城三面嵌山石上而北門外餘一山與城中齊可用礮對

擊且城嵌石上則築土不固皆其可惜者也

數峰濠上水一代汝南廬夜火

忙開甕天涯數寄書

樹齋鴻臚家此是夕詞其尊甫

譙樓星月曙臨去

一躊躇

楓林

殘月上屋角流光入我牀蕭蕭遠近聲何處秋風涼居  
人歎行子終夜勤酒漿太息我身外各有勞生傷暑氣  
未盡退繞枕蚊飛揚起坐聽溪流潺湲亦無方萬籟妙  
入夕倦客翻旁皇楓林自古青去路自古長

至南豐連日與桐舫厚堃彝生集飲慨然有作

萬里歸來鬢有絲故人相見雜懽悲莫辭一醉連三日

悵望千秋更幾時秋水載人空旦暮風塵懷舊總天涯

吳郎第五今迢遞

子城時在建昌桐舫五弟鞠農時在新城內

卻別尊前定

汝思

夕坐

千峰青不斷積秀靄江城獨坐秋風夕時聞木葉聲澗  
喧流月響雲過覺天行曉發緣歸磴終宵望眼明

灑水磔

茅店緣厓腹風林闕水聲澗中松翠出天上菜花生山

靜夜多響客孤秋易成一蟲墻下咽惆悵遠歸情

到家

廿載勞勞未仕身早榮晚達亦前因風雲自繫千秋運  
冠蓋誰爲一代人薄有姓名傳遠國竟無溫飽累衰親  
倔強肯灑窮途淚泣下慈顏白髮新

喜黃大伯喬過訪因偕之別業書此以贈

故鄉良友稀每思千載賢愛汝有俊才況當英少年年  
少亦可懼譬彼波隨川拔劍斷東流逝者誰能還服古  
賴真識世事皆閒緣吾豈好高論閱歷信自然仲秋景  
氣佳久晴山翠堅行觀嶺上雲坐聽亭下泉農務各自

急飽食慚非田以此耕稼勞悔我時日愆斜陽照村路  
日歸聊自便汝來且信宿夜火開陳編道存淡泊內聲  
在希微前所以抱膝士草廬全其天

丙申八月十六夜對月

十六年來今夕月一雙眼始故園看中年日覺親朋少  
太古秋懸天地寒乍恐素娥衰鬢白尙餘清夜寸心丹  
大星歷歷俱環極短髮蕭蕭獨倚欄

寄贈家搏九

鵬

先生

吾宗自宋世來宅山水區中遘元代亂存者兵火餘祖  
德遠莫述荒忽傳簪裾官莊以始祖來居得名井里各聚散流徙



去墓廬長老久無聞誰痛先人閭維明御史公歷仕清  
節殊抗疏劾英國驄馬曾三驅諫草亦零落及君始再  
儒貧總拙生計老且耽詩書慨想累葉衰根本思交扶  
卻憶相見日乃在荒祠墟乙亥歲余與怡亭兄在邑學  
宮前始遇君學宮之側卽吾  
族大宗祠我生歲十七君長實倍諸握手一何殷勸勉  
先圯于水兼歎吁昨同拜遺壟且復謁故居豈異夙昔心所愧志  
事虛冉冉二十年不寐清夜徂天道往必復與君敢戲  
渝庶幾培薄祚以待來者俱北村到西郭病覺道阻迂  
我壯尙如此君應艱走趨幸慎眠與食毋爲太勞劬方  
當式宗英匪惟慰我孤寒風振斜景蕭颯行空虛馴鳥

翔我前同聲噪簷榆俯仰天日閒親愛安可誣欲寄一  
書札千萬語難攄何以持贈君白月光鬢鬚期君悅顏  
色煙霞健長臞

歸自都門李君鴻儀兩度過訪出示其詩情辭斐  
美因憶余年十七時以詩就正於熊藕亭先生辱  
爲題詞今次其韻以贈君

閩風溯唐派前輩自高林已奪終南秀應輸太華岑期  
君登落雁宿海望千尋鸞嘯崑崙上方知兩戒深

雜感六首

海上羣仙擁日車星冠雲帶亂如麻揚塵不記逢三度

拔宅爭飛度一家長遣多情天易老卽教欲爛石仍華  
人閒更有東方朔偷得蟠桃已自誇

九州之外更三山終古無人此往還男女

徐福去

神仙長傲集靈閒瑤函秘笈教龍守瓊樹朝華跨鳳攀  
只恐六鼇難戴負蓬洲變滅夕陽閒

仙山難煮石爲糧要覓胡麻向八荒調遣波臣滋秀草  
慣逢水鬼竊奇方金庭有藥誰能種玉井無根自不芳  
神女天台惆悵極欲將服食語劉郎

恨望星源不可尋誰從織女得神針浮槎都載支機石  
到海難聞向若青春水桃花三月淚秋風蔥嶺大荒心

百錢且賣垂簾卜博望虛無笑古今

扶桑風急海濤圍噴沫粘沙傲夕暉  
白雪山成千里積  
青煙星散數行微  
龍宮嚴守帆偷渡  
蜃戶頻徵骨不歸  
十斛明珠河伯笑  
天吳應惜浪花飛

蜃市樓臺苦霧中  
魚龍忽與世人通  
不知貝闕沈冥險  
競喜鮫綃織作工  
大藥難逢輸毒卉  
彩雲易散引罡風  
願將銅弩三千手  
射汝潮頭倒向東

了非上人不遠二百里  
自寶蓋岩來訪予於里門  
余雖謬以詩名而貧賤廢學少愛內典而無方外  
交然感其意不能無言賦此送其歸

我行半天下徧覽山水區每於佳絕處恨少神僧俱道

融與謙已

道融住持雁岩淨名寺已香住持鑑湖小雲栖寺謙谷爲故人包慎伯明府詩弟子住持

西湖理安寺

畧識文字麤惜其未頓悟猶滯迹象愚頗聞西

來意語言皆破除面壁坐十年了了見文殊文章類煙

雲變幻從須臾眼前取卽是過後索已無萬古一咳唾

百家紛走趨亡羊笑歧路何以觀濠魚擾擾身後名卽

時酒不如我自行我法浩然天地初詩歌亦遊戲豈足

爲人娛以此獨往心陰求佛老徒誰通方外契不厭山

中孤導師自何來云自杭西湖挂錫一石室剪草添瓜

蔬種花三百樹春紅覆前渠彈琴學潁師亦擅懷素書

園官送菜把縣令載酒壺名士望塵拜唱酬滿精廬借  
問參寥老儻有眉州蘇昨來欵我門燕譚晨及脯自言  
久願見恐我仍天隅我亦思息轍結茅荒榛墟逃之無  
人境不聞世毀譽願師歸煮石待我餐雲腴高詠瀑泉  
答月白岩空虛落紙得飛鳥焚香際單鳬靜處覺眾妙  
衣鉢可棄諸下視口語學醯雞同蠢濡豐干怪饒舌路  
滑還相呼

十一月偶過東溪訪蘭浦蘋洲二兄留連信宿出  
見諸郎君並皆秀穎臨行走筆贈別

近別已十年兩情幸如一登樓嘯天風萬馬雲中出青

山解我醉作勢盤空疾安能踏絕頂共戲扶桑日連宵  
見霜月豪飲破蕭瑟新語恣詼嘲舊游雜憶述預期到  
皓首撫掌還促膝嗟我鴻鵠性愧汝鸞鶴質諸郎秀文  
采矯立亦無匹要當和臯鳴雞鶩空啁啾茫茫四海大  
吾衰願難畢末契託後生春華覲秋實臨觴復大笑小  
言徒瑣悉朝暉暖簷宇高坐可捫蝨世無王景略野夫  
聊自逸谿聲送客行回望波蕩潏

前詩成後有餘興再寫六絕句留視衛侯姪

東溪水碧抱村斜溪上高樓枕落霞一醉霜天問明月  
幾時春色到梅花

磊砢雙屐倚碧空采芝誰與參癡龍  
思鄉秋淩風夫臥聽祥雲破寺鐘

松柏蕭森繞壑邱洞庭不羨橘千頭  
便堪因樹成吾屋樓鳥同巢片月秋

天柱猶傳大隱居峩眉秀色蜀川如  
夜來夢到雲峰頂手摘明星落太虛

山水於吾亦有緣十年兩度聽風泉  
他時誰與譚流寓爛醉長松怪石邊

主人風雅客多才臨去題詩復舉杯  
爲報楊郎謂珍甫鳳登諸多置酒老夫青眼帶春來



贈余君德彰

梁鴻貫臯廡子龍同傭人古來天下士溷跡乃潔身藏  
見合變化惟蠶乃存神長嘯吟梁甫躬耕悲隱淪嗟此  
一世閒誰能忘困貧食力苟自適慨想黃虞民冉冉白  
日徂天道難可陳仰羨雲中翼俯慙波上鱗哲人貞義  
帶時俗多艱迫痛哭廣武原何如焚車輪君懷陶處士  
躬稼還采薪歌聲出金石其言清且痛形骸豈不勞志  
氣則已伸伸卿視尊貴牛衣何逡巡我無障面扇羞拜  
當途塵終年賦五憶忍飢常三旬恨難從子逝甞勉翼  
自耕終焉東谿水濯足偕垂綸